

М. ΙΛΙΝ.

E-1

89

ΤΟ ΔΙΓΓΙΜΑΝ
ΓΙΑ ΤΟ
ΜΕΓΑΛΟΝ ΠΛΑΝΟΝ

Μετάφρασι Θ. ΓΡΙΓΟΡΙΑΔΙ

Γ.Π.Β. Βιβλ. Επιστ. Ακ.Α.
Δημ. 1931 год
Ακτ Νο 28 . 619

ΕΚΔΟΣΙ „ΚΟΜΥΝΙΣΤΙ“
ΡΟΣΤΟΒ-ΔΟΝ 1931



В. ИЛЬИН

Рассказ о большом плане

Перевод ГРИГОРИАДИ Ф.

Греческое Издательство „Коммунистис“
Ростов-Дон 1931 г.

Упол, Крайлит № 2572 Заказ № Тираж 5000

ΓΙΑ ΤΟ ΠΙΟΝ ΘΑ ΟΜΙΛΥΜΕ

ΑΡΙΘΜΙ — ΙΚΟΝΑΣ

Λογισ-λογιον βιβλία εβρίυνταν: βιβλία με διγίματα, βιβλία με ικόνας, βιβλία με στίχους. Τα τύτα τα βιβλία με μεγάλον όρεκσιν κε ιντερέσον δεβάζνατα, τερύνατα.

Εβρίυνταν κε βιβλία με αριθμους κε με ταπλίτσας. Σα τύτα τα βιβλία απαν μαθάνομε: αλα ονταν αναπά-γυμες, κι πέρομε να δεβάζομε αγίκον βιβλίον.

Κε αχα, εβρίετε έναν βιβλίον, το οπίον αποτελίτε όλον απο αριθμους κε ταπλίτσας: κε όμως ατο το βιβλίον εν κιάλο ιντερέσνι απο κάθε μιθιστόριμαν.

Σάφτο το βιβλίον ο κάθε αριθμος εν κε έναν ικόναν.

Λετς να τερис τιδεν ιντερέσνι κ'έχι απες ατο το βιβλίον: τα αριθμός-αθε ίνε όπος σι σχολι τα βιβλία. Αλα ονταν αρχινας κε δεβάγσατο, αλο τιν γιακάν-αθε κ'επορις να αφιντς.

ΝΤΟ ΕΠΟΡΙ ΝΑ ΕΛΕΠ ΚΑΝΙΣ ΣΑ ΑΡΙΘΜΥΣ

Σο ποταμάκριν ενος μεγάλυ ποταμυ, κατατσαχύν-ταν τα πέτρας κε πετυν σιν αέραν. Φοβερα μιχανας, παρόμια με προκατακλιζμιέα ζόα, τσαντσαρέβνε απαν σα σκαλοπάτια σέναν τρανον σκάλαν, ντο εν πελεχεμένον σέναν ρασσιν.

Σε μέρος όπου χέτονε ποταμ, φένετε νέον ποταμ,
με μάκρος εκατον χιλιόμετρα. Σε μέρος όπου υς τελε-
φτέα έτον τζορμαν, εδγεν έκσαφνα σιν μέσες νέον
μεγάλον λιμνιν.

Σιν στέπιν, όπου ακόμαν υς οπσεκες εφίτροναν
φτερίδια κε αγροχόρταρα, ατόρα τερικ σε εκατοντάδες
χιλιόμετρα απλύτε σιταρ.

Τα αεροπλάνια πετυν απαν ασιν τάιγαν τι Σιβιρίας,
κε σα καπίνας πα κάθυνταν ανθρωπ με ζαροτα ομάτια,
φορεμεν κατ παράκσενα ρύχα, απο δέρματα θιρίυ. Σο
Καλμίτσκι όπλαστ, πλάι σα τζατίρια απο θυβαλι πετριν
λες κι φιτρόνε απες σο γιμνον τιν στέπιν χτίρια χτι-
ζμένα με ζζελεζοπετον.

Τζελικένια κατάρτια ίνε καρφομένα σόλεν τιν χό-
ραν: Το καθέναν έχι τέσερα ποδάρια κε πολα χέρια,
κε ασατα τα χέρια περυν σίρματα (τέλια).

Κε σα σίρματα απανκες τρέχι το ρέβμαν (τοκ),
τρέχι ι δίναμι ασα ποτάμια κι ασα καταράχτες ασα τζορ-
μάδες τι τόρφας κι ασα στρόματα τι καρβονι.

Όλια αφα εβρίυνταν απες σα αριθμυς, όλια αφα
εβρίυνταν απες σο βιλίον ντο έχι τα αριθμυς.

Κε τάτινεθι τι βιβλίυ πα το όνομαν εν „Πεντά-
χρονον πλάνον“.

ΔΙΣΚΟΛΟΝ ΠΡΟΒΛΙΜΑΝ

Πολα τζετιν πρόβλιμαν εν να ιστοριγς με τα
λόγιας για τάτο το μεγάλο το πλάνον. Μίπος να
χονέδιατο ο νυς τάνθρωπι δουλία εν, να περιγραφς

32
ξέναν μικρον βιβλίον απες, όλια εκίνα ντο ίνε γραμμένα
σα 1680 σελίδας απο αριθμους, ταπλίτσας κε ζίντομα
επεκσιγίσις; Χορς για να καταστρότε το πετάχρονον
πλάνον, εδύλεψαν σάτο απαν χιλιάδες ανθρωπ, κ'εγο
ίνας τεκς θέλο ξέναν βιβλίον να λέγατα όλια.

Αφτο το πλάνον υζζε έπαπσεν να εν πλάνος,
τα αριθμός-αθε γίνταν πραγματικότιτα. Για να ιστορίγς
σόλια, πρεπ να πας παντυ, όπου περα το χτίσιμον, πρεπ
με τóμάτιας να ελεπς όλια. Κε μόνον να ελεπς πα
κι κανίτε, πρεπ κε να εγρικας ύλια.

Κ'εγο ίμε μόνον ινζινέρος, κε καλίον εκσέρο εκίνο
τιν κεσσαν τι τεχνικις, όπου δυλέθο. Κε όμος θα εν
ανάνκι να ιστορίζο όλεν το χτίσιμον. Για να εδγεν
κανις αποφκα ασάφτο το πρόβλημα, πρεπ να εν κε
μεταλουργος, κε αγρονόμος, κε μηχανικος, κε χτίστις,
κε χιμικος, κε ικονομολόγος, κε ιδικος απαν σιν σινκι-
νονίαν, κε ιδροτέχνικος.

Αλδμος εν αδίνατον να εδρίετε κανις παντυ, κε
όλια απ να εκσερ.

Βέβσα πολα πράματα κι θα λέγο, πολα θα παρα-
λίπο. σα ιστορίζνε κε αλ παραπαν, ας προσθέτνε, ας
εκσιγίζνε εκίνα για τα οπία εγο τιδεν κ'ίπα, ίτε ίπα
πολα ολίγα.

ΚΕΦΑΛΕΟΝ ΠΡΟΤΟΝ

ΔΙΟ ΧΟΡΑΣ

1. Το σχέδιον τι χώρας.

Το „πεντάχρονον πλάνον“ εν σχέδιον, όχι όμως ινος εργοστασίω, αλα δύο χιλιάδον τετρακοσίον εργοστασίον. Κε εν σχέδιον όχι μόνον για τα εργοστάσια, αλα κε για πολιτίας, για ιλεχτρικα σταθμυς, για γεφύρια, για παπόρια, για μεταλία, για σοβχόζια, για κολχόζια, για σχολία, για βιβλιοθήκες. Ατο εν σχέδιον για ανασιν-κρότισιν όλις τις χώρας. Ατο το σχέδιον εκατέστρσαν-ατο όχι ίνας κε δι ανθρωπ, αλα χιλιάδες εγρικιζμεν ανθρωπ. Κε εκατατιάσαν να χτίζνε όχι δεκάδες χιλιάδες εργατ, αλα εκατομίρια. Όλεμυν χτίζομε τιν „πια-τιλέτχαν“.

Πρότα κιαρχις ι πιατιλέτχα εσιζιτέθεν τον δεκέ-θριον τυ 1927 σο 15-ον σινέδριον τι κομμουνιστικυ κόματος. Ασα 1-ι τυ οχτοβρίυ 1928 όλεν ι χώρα ερχίνεσεν σιν εχτέλεσιν-αθε.

Κε υῆξε σα 1929 εφάνθεν
ὅτι ι πιατιλέτκα θα εχτελίετε ὄχι
σα πέντε χρόνια, ἀλα πολα ενορί-
τερα. Καμίαν ενορίτερα, σε χα-
νέναν μέρος κ'έσαν παρόμια σχέ-
δια. Σιν Αμερικιν εδρίυνταν πο-
λα μεγάλα εργοστάσια πολα με-
γαλίτερα ας'εμέτερα.

Σιν Αμερικιν εδρίυνταν εργο-
στάσια, τα οπία εδγάλνε σο λεπτον
τέσερα αφτοκίνιτα. Σιν Αμερικιν
εδρίυνταν οσπίτια εκσίντα πατο-
ματον. Σιν Αμερικιν έχτσαν τελε-
φτέα σ'έναν ιμέραν απεσ έναν σιδι-
ροδρομικον γεφιν. Σιν Αμερικιν,
σα χοράφια δυλέδνε έναν εκατο-
μίριον τράχτορια. Ι αμερικανι ιπε-
ριφανέφκυνταν με τα μιχανάς-
τυν, με τα φάπρικας-ατυν.

Αλα πος δυλέδνε αφτα τα ερ-
γοστάσια; Εθαρίτε, πος δυλέδνε
απαν σε κάπιον γενικον πλάνον;
Οχι.

Δυλέδνε χορις πλάνον.

2. ΝΤΟ ΓΙΝΕΤΕ, ΟΝΤΑΝ ΔΥ-
ΛΕΒΝΕ ΧΟΡΙΣ ΠΛΑΝΟΝ.

Ο μίστερ Φοκς εγέντον παρά-
σαπιν—εχτέθεν έναν εκατομίριον



Εναν ασα ιπσιλότερα
χτίρια σιν Αμερικιν.

Να δημιουργουν πιονέρικα ορμάνια απο 75 εκατομίρια δένδρα.

11 Να καταστρέφνε σε 500 χιλ. οσπίτια τα τα-
χτάπιτια, τα ταρακάνια κε τα μίας. Το κάθε πιονέρικον
τάγμαν πρεπ να καθαριζ 10 οσπίτια.

12. Το κάθε πιονέρικον τάγμαν πρεπ να μαθιζ
γράματα όλια τα αγράματα πεδία τι υτζάστκας όπο
δυλεβ.

Αφτα ίνε μόνον τα κηριότερα προβλίματα. Οπως
θελ να εκσερ όλια νιχυ-τριχυ, ας δεβαζ το „Ναζ“
πιονέρσκοβο ελιότα“

Ι ιλικιομεν θα χτίζνε μεγάλα ιλεχτρικα σταθμοι,
εσις επορίτε να χτίζετε μικρα. Ι ιλικιομεν θα χτίζνε
μεγάλα οσπίτια, εσιν θα χτίζετε φολέας κε κορμούσσκας.

Εαν θα εχτελίτε τιν πιατιλέτκαν-εσυν θα γυρτα-
ρέθετε εσοδιαν ακσίας 2.621800 ρυβλίον ασα βλαθερα
ζοίφια.

Εαν θα φροντίζετε όστε το κάθε νικοκίριον να έχι
διο οδαστικα κοσάρας παραπαν, θα χαρίζετε σο κράτος
5 δισεκατομίρια οδα, 150 εκατομίρια ρύβλια.

Ασα καπίκια μαζέφκυνταν τα εκατομίρια τα αδι-
νατα τα χέρια, αν ίνε πολλα, λαίζνε ασον τόπον-ατυ
τα θυνα κε φιτέδνε ορμάνια με εκατομίρια δένδρα.

Σ' αφτο ένχιτε ι δίναμι-ερυν.